

kontuola

KONTUOLA, Idolaz elkarte, ANTZUOLA. Kazetaria: Marijo Deogracias Maketazioa: Iñaki Iturbe Publizitatea: Uxue Zabaleta Erredakzio kontseilua: Miren Anduaga, Goizon Iparragirre, Patxi Kortabarria, Jone Larrañaga Testuen zuzenketak: Maripi Laskurain, Lierni Legorburu Telefonoa eta faxa: 943 76 65 08, Herri ikastetxea.

Antzuolako hamabostekaria, 32 zenbakia. 1999ko otsailaren 26a.

Intsumisioak 10 urte bete ditu

Antzuolako Intsumiso taldeak aspaldi laga zion lanari

Intsumisioen mugimenduak hamar urte bete zituen joan zen otsailaren 22an. Hamarkada osoan derrigorrezko soldaduzkari ezezkua eman dion mugimenduak, ordea, ez du bere garairik onena bizi. Antzuolan esaterako, ez dago intsumiso talderik. Orain arte hor ibili direnek bilerak egiteari laga zioten eta ordutik ez dute ezer antolatu. Dena den, Antzuolako Intsumiso Taldeak (AIT) ekintza ugari antolatu ditu herrian urteetan zehar.

N ATOren aurka eratu zen plataformatik ekin zioten orain dela hamar urte euskal gazte batzuek armadaren kontrako sakaketari. Derrigorrezko

soldaduzka abiapuntutzat harturik, intsumisioak armada jakean ipini zuen. Antzuolan ere orain dela zortzi bat urte hasi zen herriko intsumiso taldea gazteei soldaduzkara ez joateko arrazoiak azaltzen. Garai hartan hamar bat lagun biltzen ziren asteen behin haurren eskola zaharrean intsumisioa nola kaleratu aztertzeke. Urtebeteren bueltan, Kakitzak Koordinakunde Antimilitaristarekin lanean hasi zen AIT eta orain dela gutxira arte izan da horrela.

INTSUMISIOAK GORA


AITk zerbait lortu badu, herriko gazteak derrigorrezko soldaduzkara ez joate izan da. Izan ere, herrian azkenengo hamar urteetan soldaduzkara joan diren gazteen kopurua erabat jaitsi da, eta azkenengo urteetan, bina lagun joan dira urtero. Horrek, ordea, ekarri du bere alde txarra ere. Bere egunean herriko gaz-

te bat kartzelan egon zen soldaduzkara ez joategatik eta beste bi herritarrek Erztaintzaren egoitzan pasa behar izan zuten gaua epaiketara ez agertzeagatik. Horrez gain, gaur egun herriko hainbat gazte inhabilitaturik daude. Hau da, legearen arabera, ezin dute laguntza publikorik jaso ez eta babes ofizialeko etxebizitzetan izenik eman ere, besteak beste. Baina inhabilitazioa ez da oraindik martxan jarri, eta honek ere intsumisio mugimenduaren gainbehera ekarri du. Jadanik gazteak ez dira intsumisioarekin identifikatzen eta honek ere Euskal Herriko intsumiso mugimendua berriz planteatzea ekarri du. AIT desagertzea Gipuzkoako ia intsumiso talde guztien desartzearekin batera eman da. Gaur egun Iruenen bakarrik jarraitzen dute lanean.

EUDIMA

Joan zen zapatuan EUDIMAK, Euskal Herriko Udal Intsumituen Mankomunitateak, urteko batzarra egin zuen Arrasaten. Han elkartu ziren ordezkariak urteko balantzeaz eta aurrera begira egin beharrezkoak jardun zuten. Intsumisioak hamar urteko ibilbidea betetzen zuen egun berean egin zuten bilera EUDIMAKo udal ordezkariak.

Antzuolako Udala ere EUDIMAn sartua dago, baina ez zen ordezkariak joan Arrasateko bilerara. Joan zen martitzenean, bestalde, kanpaina bat aurkeztu zuen EUDIMAK Oartzunen. Kanpaina honen bitartez herri akordioa bultzatu nahi dute enpresari, sindikatu eta alderi politikoen artean, inhabilitazio kasuetan interpelazio lana egiteko. ■



1997ko azaroan zozketen aurka egindako manifestazioa.

Unai Idiakez, pilotaria

“Hemendik juandako euskaldunak”

Unai Idiakez, pilotari antzuolarra, San Frantziskon (Estatu Batuak) izan zen orain dela bi aste. San Frantziskoko Euskal Etxeak gonbidatuta beste hiru pilotarirekin batera abiatu zen Unai Ameriketara. Bi pilota partidu jokatu zituzten Unai Errasti aretxabaletarrak, Unai Iparragirre eskoriatzarrak, Iker Muruamendiarazek eta Unai Idiakezek, Euskal Jaia zela eta.



G arai batean Ameriketara joandako euskaldunekin egin zuten topo lau pilotariek San Frantziskon. Hango Euskal Etxeak antolatutako Euskal Jaira joan ziren. Hango euskaldunek Euskal Herriko pilota federaziora jo zuten, Euskal Jaia zela eta, pilota partiduak antolatzeko.

Iazko euskal ligako txapeldunak, Iker Muruamendiaraz eta Unai Idiakez, eta finalera heldu ziren Unai Iparragirre eta Unai Errasti bidali zituen federazioak San Frantziskora.

Zertara joan zineten Ameriketara?

Urtero antolatzen dabe, urtian behin edo, jai bat eta pelotarixak juaten dira jokatzera. Hemendik juandako euskaldunak, oin han bizi diranak, alkartzen dira eta jai bat egitten dabe. Eurak antolatutako biakia izen zan eta euren konturra izen da dana. Guri etzuskuen lagatzen ezer pagatzen.



Alcatraz kartzela ospetsutik ere pasatu ziren lau pilotariak.

Zenbat egunetako jai izan zen?

Bi egun, zapatua eta domekia. Bi egunetan partidua jokatu giñuan.

Beraz, ingurua ezagutzeko denbora izan zenuten

Bai, eguaztenian aillegatu giñan. Afaldu ondoren oheratu eta hurrengo egunian Golden Gate eta Alcatraz kartzelira ikustera juan giñan. Aldapak be ikusi giñutzen. Harek dira aldapak, kristonak! Tranbiak be ikusi giñutzen, baiña ez giñan ibilli. Gu kotxetan ibilli gara. Baiña, kotxiak be kristonak dira. Han dana haundixa da! Astelehenian eta martitzean Nevadan egon giñan. Reno ezagu-

tzera juan giñan: hango kasinuak eta Diru pixka bat galdu eta buelta. Bueno, Iñurrategik irabazi egin zeban. Bi egunetan 900 km egin giñutzen. Kotxian denpora asko egin dogu.

Horrelakorik imajinatzen zenuen?

Ez. Haura dana berrixa izen da neretako. Iñurrategi egonda zeguan, Berrandorekin-eta juan zanian, eta harek ezagutzen zeban haura pixka bat. Nevadan, Renon, dana argixa zan. Edozein etxe zan kasinua. Sekulako biziua dago. Goizian goiz jentia txanpon makiñetan ikusten ziñuan. Basokada bat fitxa aldatzen zeban jentiak eta jokatzera.



“Ingelesez ezebez, dana euskeraz. Gipuzkoa eta Bizkaikuak gutxi dare eta Iparraldekuakin euskeraz egitten giñuan”



Euskal sukaldaritz

Eguneko menua

Kalebarren 7, ANTZUOLA Tf. 943 78 71 12

Argazkiak • Bitxitegia

Jaunertze egunerako argazkiak eta opariak

Herriko plaza 4, ANTZUOLA. Tf. 943 78 70 66

alkartu eta jaixa egitten dabe”

Euskal Etxean egon zarete?

Lo hotelian egiten giñuan, baiña afaldu eta bazkaldu Euskal Etxian. San Frantziskoko Euskal Etxiak eztauka lo egitteko lekurik, jatetxia da bakarrik. Zapatu dana Euskal Etxian egin giñuan, urten barik. Hango gaztiekin egon giñan eta domekan bertako taberna baten egon giñan. Han ezta txikiteatzen hemengo moduan. Goiz afaltzen da, zazpiretarako gutxi gorabehera, eta gero ezta urtetzen. Baiña afaldu ondo egin giñuan. Gehixenetan haragixa, oso ondo. Ondo hartu gaittue. Gero penia etortzeko!

Abade bat geunkun baztarrak erakusteko eta harekin ibilli gara. Abadia be Iparraldekoa zan. Gu San Frantzisko erdittik hogeit bat miñutura egongo giñan. 800.000 bizilagun edo dare. Guretako haundixa!

Harrera ona egin dizuete?

Gurekin oso ondo portau dira. Dana eginda emon doskue. Hotelera billa etortzen ziran eta bueltan eruan be bai.

Euskal Etxeen artean harremanik badute?

Bai. San Frantziskoko Euskal Etxiak antolatutako jaira ingurutako Euskal Etxietakuak be jua ziran: Wyoming, Idaho, Nevada... Euskal Etxe asko dare eta holakotan alkartu egitten dira.

Euskaraz ala ingelesez?

Ingelesez ezebez, dana euskeraz. Iparraldekuak dira gehixenak, Gipuzkua eta Bizkaikuak gutxi dare, eta Iparralde-

kuekin euskeraz egitten giñuan. Danak eztakixe, baiña askok bai. Euren artian gehixenetan ingelesez egitten dabe, baiña gurekin euskeraz. Batuaz egitten saiatzen giñan, eurek Iparraldeko euskeraz egitten dabe eta, baiña ulertzeko lain bai.

Zer diote hango euskaldunek Euskal Herriaz?

Asko akordatzen dira eta euretako asko, gaiñera, udan etorri egitten dira sarrittan. Ohitturei behintzet eusten jaue: dantzariak, pelotarikak... Itxuraz badie diferentia: haundixak dira! Baiña hemengo egoeriaren gaiñan eztoskue galdetu. Guk geuk be, han egon gan bitartian, eztoqu hemengo berri euki.

Ikastera edo lanera joandako euskaldunen batekin egin duzu topo?

Hemendik lanera juandakuekin bai.

Pilotan zelan jokatu zenuten?

Gure artian ibilli giñan. Han be egitten dabe pelotan eta poliki gaiñera. Mundialak laister Bilbon izengo dira eta harek be ekarri egin biharko dittugu. Partiduak, bestela, bi jokatu giñuten: zapatuan Murukin jokatu neban, Errasti eta Iñurrategin kontra eta domekan, Errastikin, Muru eta Iñurrategin kontra.

Datorren urtean ere joateko, beraz

Bai, baiña aurten kanporatu egin gaittue eta eztoqu aukeraik eukiko. Bestela, gustora juango nintzake berriz. Udan aukeria euki ezkeru, juango naiz! ■



Unai eta
Ikerrek
erosketak egiteko
astia ere izan
zuten.

“Gurekin oso ondo portau dira. Dana eginda emon doskue. Hotelera billa etortzen ziran eta bueltan eruan be bai”




MUEBLES
IGEA

Zurrategi plaza 4, behea ANTZUOLA Tf. eta faxa 943 78 71 80

Sukalderako eta
bainurako altzariak
Altzari rustikoetan
espezializatuak

ONGI-ETORRI



JATETXEA & TABERNA

Berezitasunak:
haragi eta arraina txingarretan

Buztinzuri 6, ANTZUOLA
Tf. 943 76 63 49



Plataformaren aurkezpena.

Euskal presoen alde

Auzoetan kontzentrazioak egingo dira

Euskal Presoak Euskal Herrira Antzuolako plataformak beste kanpaina bati ekingo dio martxoan. Izan ere, herrian egin dituzten mobilizazioekin jarraitzeko asmoan, auzoka egingo diren kontzentrazioak antolatu dituzte. Lehenengo martxoaren 5ean izango da eta Errekalde auzoan egingo da. Epe batean, hileror, auzoka egingo da euskal presoen al-

deko kontzentrazioa. Horrekin batera, plataformak auzo bakoitzeko bizilagunei balkoietan "Euskal Presoak Euskal Herrira" dioen anagrama ipintzeko eskatuko die. Ahalik eta anagrama gehien ipini ahal izateko, gainera, Surpe eta Larrea tabernetan jarri dituzte salgai.

Lehenengo kontzentrazioa martxoaren 5ean, eguakitza, arratsaldeko 19:00etan, Errekalden, esan bezala.

KARMENEN FIDANTZA

Karmen Irizarren fidantza ordaintzeko, Amnistiaren Aldeko Gestorek 5.000 PTA.ko bonoak jarri dituzte salgai. Kontuolan azaldu genizuen bezala, Karmenek bi milioiko fidantza ordaindu behar izan zuen kartzelatik irten ahal izateko. Interesatuek Amnistiaren Aldeko Gestorekin harremanetan jarri.

EGONALDIAK EGOITZETAN

Aldi baterako egonaldiak antolatu ditu Gizarte Zerbitzuak erretiratuentzako. Familiari atsedendia emateko asmoan jarri dute martxan programa. Familiaren batek etxean duen adineko pertsona ezin badu zaindu epe jakin batean, aukera dauka denboraldi baterako egoitza batera eramateko. Urtean zehar hilabeteko egonaldia egin daiteke egoitzetan. Egonaldia, gainera, jarraian edo tarteka egin daiteke. Ordaindu behar den prezioa adineko pertsonaren ezintasunaren arabera da, eta bere diru sarreraren arabera. Gehienetan ez da arazorik egoten lekuari dagokionez, baina uztailla, abuztua eta irailerako eskaera kopurua handiagoa izaten denez, lehenbailehen egin behar izaten da eskaera uda parterako. Informazio gehiago, Udaletxeko Gizarte Zerbitzuan.

KALE ANTZERKIA

Martxoaren seian, zapatua, "Panta Rhei" kale animazio taldea arituko da Antzuolan. Kale antzerkia eskainiko dute egun horretan 18:00etatik aurrera.

3. ADINEKONTZAT PROGRAMAK

Arnedillo (Errioxa), Fitero (Nafarroa), Alcoceber (Castellon) eta Xanxenxora (Galizia) joateko bidaiak antolatu dituzte Antzuola eta Bergarako gizarte zerbitzuek hirugarren adinekoentzat. Itereak apiriletik ekainera bitartean izango dira, bidaiaren arabera eta prezioa erretiratu bakoitzaren diru sarreraren arabera. Betebeharren artean, 65 urte izatea, Gipuzkoan bizitzea eta nor bere kabuz baliatzeko gai izatea. Informazio gehiago, Udaletxeko gizarte laguntzaileak.

PATXIKU TXERREN LEHIAKETA

III. Patxiku Txerren literatur lehiaketan parte hartzeko epea apirilaren 26an amaituko da.

Parte hartzaileak lau taldetan banatu dira eta lanak "Patxiku Txerren literatur lehiaketa" izenburupean aurkeztu daitezke Udaletxean bertan.

igor eta Txomin

Pintura orokorrean.

Paper, tela, binilo, kortozko... estaldurak.

Gotelesa, iztukuak eta

bestelako imitazioak.

ANTZUOLA BERGARA

☎ 943 76 60 39 ☎ 943 76 19 98

GOROSTI Taberna

☎ 943 76 62 96

Zurrategi plaza ANTZUOLA

LEKU-BERRI MERENDEROA

Janariak eta edariak

Tf. 943 76 60 94



IGELTSEROTZA

Jose Luis Zabalo

Birgaitzeak • Fatxadak

Teilatuak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89

LARREA

TABERNA

Kalebarren 17
ANTZUOLA